

orientali (vel probabilius in ins. ad orientem Indiæ) Sparrman!, in rupestribus ins. Pitcairn Abadie! in herb. DC. et ins. Mariannis (Gaudichaud!).

E. DEPPEANA perennis glaberrima, caulibus fruticosis erectis tortuosis ramosissimis rubellis ad articulationes nodoso-incrassatis, ramis sulcatis, foliis subcoriaceis breviter petiolatis e basi obliquè subcordatâ ovatis retusis margine cartilagineo obsolete denticulatis suprâ nitidis subtùs pallidis, stipulis rubellis breviter triangularibus subintegrâ superioribus basi coalitis, involucris terminalibus solitariis breviter pedunculatis hemisphæricis multifloris glabris intùs fauce hirtis dentibus oblongis ciliatis, glandulis transversè ovatis depresso-punctatis exappendiculatis, ovario glabro, stylis bifidis facie superiori sulcatis ramis sensim incrassatis, capsulâ..... In Californiâ (Deppe).

E. Californica Kl. et Gke. sub *Anis* non Bth.

E. SABULICOLA annua a collo ramosa, radice induratâ crassiusculâ, caulibus brevibus divaricatim et dichotomè ramosissimis ramis tenuissimis flexuoso-fractis crispulè hirtulis, foliis e basi inæquali ovatis mucronulatis crenato-denticulatis utrinquè sparsim et adpressiusculè hirtis, stipulis in unam latam brevem fimbriatam coalitis, involucris terminalibus solitariis ovatis extùs glabris intùs fauce hirtulis dentibus breviter ovatis ciliatis, glandulis transversè oblongis appendice ovato-rotundâ albâ integrâ eis latiori suffultis, stylis ovario vix brevioribus liberis profundè bifidis stigm. non incrassatis, capsulæ parcè hirtulæ coccis carinatis, seminibus oblongis tetragonis grossè reticulato-rugosis. In arenosis quartzosis ad Rio Janeiro Brasiliæ. (Gaudichaud, n° 1124 in DC. herb!)

E. KARWINSKYI tota pilis albis crispulis adpressè hirta partibus junioribus canescens annua a basi pluricaulis caulibus decumbentibus brevibus simplicibus vel parcè ramosis, foliis e basi truncatâ uno latere auriculatâ ovato-rhombeis acutiusculis obtusiusculè denticulatis, stipulis minutis linearibus, cymis ex omnibus axillis sessilibus capituliformibus polycephalis, involucri minimi ovato-turbinati extùs hirti dentibus ovato-triangularibus fimbriatis, glandulis rubris orbicularibus appendice rubellâ obovato rotundatâ eis